

## BENTUK BANTUAN ZAKAT DAN IMPAK AGIHAN ZAKAT TERHADAP ASNAT AL-GHARIMIN DI LEMBAGA ZAKAT NEGERI KEDAH

*Type of Zakat and the Impact of Zakat Distribution among Asnaf Al-Gharimin  
at Lembaga Zakat Negeri Kedah*

Raziah Md Tahir<sup>1\*</sup>

Syarifah Md Yusof<sup>2</sup>

Nadiyah Nabilah Baharum<sup>3</sup>

<sup>1</sup>Institut Penyelidikan dan Inovasi Zakat, Universiti Utara Malaysia (UUM), Kedah, Malaysia & Pusat Pengajian Perniagaan Islam, Kolej Perniagaan, Universiti Utara Malaysia (UUM), Kedah, Malaysia

<sup>2</sup>Institut Pengurusan Halal (IHM), Pusat Pengajian Perniagaan Islam, Universiti Utara Malaysia, 06010 UUM Sintok, Kedah Darul Aman, Malaysia.

<sup>3</sup>Pusat Pengajian Perniagaan Islam, Universiti Utara Malaysia, 06010 UUM Sintok, Kedah Darul Aman, Malaysia

\*Corresponding author (Email: raziah@uum.edu.my)

Received: 7 September 2023, Reviewed: 18 September 2023, Published: 30 September 2023

---

**Abstrak:** Lembaga Zakat Negeri Kedah (LZNK) memainkan peranan yang sangat penting dalam membantu golongan asnaf zakat di negeri kedah. Asnaf al-gharimin merupakan salah satu asnaf zakat yang perlu dibantu melalui dana zakat. Al-gharimin bermaksud orang-orang islam yang berhutang untuk tujuan yang dibenarkan syarak bagi memenuhi keperluan asas dalam kehidupan harian. Berdasarkan kepada hierarki kepenggunaan barang, terdapat tiga jenis barang kepenggunaan iaitu daruriyyah, hajiyah dan tahsiniyyah. Dalam hal ini, barang daruriyyah diklasifikasikan sebagai barang keperluan asas pengguna. Individu muslim yang berhutang untuk tujuan memenuhi keperluan barang daruriyyah ini boleh dikategorikan sebagai asnaf al-gharimin. Persoalannya, sejauhmanakah bantuan zakat kepada asnaf al-gharimin ini memberikan impak yang signifikan kepada golongan tersebut? Kertas kerja ini merupakan sebahagian daripada hasil kajian dalam meneliti bentuk bantuan zakat asnaf al-gharimin dan menganalisis impak agihan zakat kepada asnaf al-gharimin di LZNK. Metodologi kajian adalah berbentuk kualitatif yang merangkumi kaedah pengumpulan maklumat secara temu bual bersama informan dalam kalangan asnaf al-gharimin yang menerima bantuan zakat dari LZNK dan penelitian dokumen dari sumber LZNK. Hasil kajian mendapati bentuk bantuan zakat kepada asnaf al-gharimin pada asasnya berupa wang tunai yang diagihkan kepada asnaf atau pihak yang tertentu bagi menyelesaikan isu hutang yang tertunggak. Selain itu, kajian menunjukkan bantuan zakat ini memberikan impak yang positif bukan sahaja kepada asnaf malahan juga kepada seluruh keluarga asnaf. Implikasi kajian ini amat signifikan dalam membantu pihak LZNK untuk mempelbagaikan bentuk bantuan zakat kepada asnaf al-gharimin agar golongan ini dapat membebaskan diri dari belenggu hutang.

**Kata kunci:** Zakat, Bantuan Zakat, Impak Zakat, *al-Gharimin*, Lembaga Zakat Negeri Kedah

**Abstract:** *Lembaga Zakat Negeri Kedah (LZNK) plays a very important role in helping the asnaf zakat in Kedah. Asnaf al-gharimin is one of the zakat asnaf that need to be helped through zakat funds. Al-gharimin refers to Muslims who owe money for shariah allowed causes to cover daily expenses. Based on the hierarchy of consumption of goods, there are three types of consumer goods which are daruriyyah, hajiyah and tahsiniyyah. Daruriyyah goods are classified as basic consumer goods. Muslim individuals who are in debt for the purpose of meeting the needs of these daruriyyah goods can be categorized as asnaf al-gharimin. The question is, how far does zakat has a significant impact on asnaf al-gharimin? This paper is part of the findings of a study in examining the type of zakat among asnaf al-gharimin and analyzing the impact of zakat distribution to asnaf al-gharimin in LZNK. The research methodology is a qualitative approach which includes information gathering methods through interviews with informants among asnaf al-gharimin at LZNK and document research from LZNK sources. The findings of this study shows that the type of zakat to asnaf al-gharimin is basically in the form of cash that is distributed to specific asnaf or parties to resolve outstanding debt issues. In addition, this study shows that the zakat has a positive impact not only among the asnaf but also to the asnaf's family. The implications of this study are very significant in helping LZNK to diversify the type of zakat given to asnaf al-gharimin so that this group might be freed from the bonds of debt.*

**Keywords:** Zakat, Type of Zakat, Impact of Zakat, *al-Gharimin*, Lembaga Zakat Negeri Kedah

---

## PENGENALAN

Di Malaysia, setiap institusi zakat negeri berperanan untuk mengutip zakat daripada orang yang cukup syarat untuk membayar zakat dan mengagihkan zakat kepada lapan (8) golongan asnaf yang layak seperti mana termaktub dalam al-Quran. Lembaga Zakat Negeri Kedah (LZNK) khususnya memperuntukkan peratusan tertentu daripada jumlah jumlah kutipan zakat setiap tahun untuk diagihkan kepada asnaf zakat. Berdasarkan statistik, pada tahun 2018, jumlah agihan zakat keseluruhannya adalah sebanyak RM150,118,599.00 berbanding pada tahun sebelumnya pada 2017 dan 2016 masing-masing adalah kira-kira RM134,943,608.00 dan RM144,831,478.00. Ini menunjukkan bahawa jumlah agihan semakin meningkat setiap tahun. Hal yang demikian mungkin disebabkan oleh peningkatan jumlah asnaf pada setiap tahun ataupun jumlah kutipan zakat yang semakin bertambah. Kertas kerja ini bertujuan untuk membincangkan hasil dapatan daripada kajian penyelidik mengenai bentuk bantuan zakat dan impak agihan zakat kepada asnaf al-gharimin di LZNK.

## KAJIAN LITERATUR

*Al-Gharimin* merupakan golongan yang berhutang demi memenuhi keperluan asas hidup diri sendiri, keluarga di bawah tanggungannya atau demi kepentingan masyarakat. Hutang tersebut memerlukan penyelesaian dengan kadar segera dan patuh syarak (Mohd Faisol, 2020). Golongan yang berhutang ini layak menerima bantuan dana zakat. Ini berdasarkan firman Allah SWT dalam surah *at-Taubah* ayat 60.

Menurut surah *at-Taubah* ayat 60 di atas, sesungguhnya nama sadaqah ialah zakat untuk orang-orang yang fakir, miskin, amil, mualaf, *al-riqab* (merdeka dirinya), orang yang berhutang, *fi sabillah* dan musafir. Mazhab Hanafi mendefinisikan *al-gharimin* sebagai mereka yang tertanggung hutang ke atasnya dan tidak memiliki nisab (harta) melebihi daripada hutangnya manakala mazhab Maliki, Syafie dan Ahmad mendefinisikan *al-gharimin* dalam dua jenis, yang pertama berhutang untuk kepentingan dirinya dan yang kedua ialah orang yang berhutang untuk maslahat musytamir/ masyarakat.

Ulama kontemporari Qardawi (2011) pula menyebut definisikan *al-gharimin* adalah terhad kepada individu yang tertanggung atasnya hutang, untuk sebab-sebab diri sendiri dan tiada aset atau tidak mempunyai sumber pendapatan yang mencukupi untuk melunaskan hutang.

*Al-gharimin* yang memenuhi konsep dan syarat kelayakan wajib dibantu. Saranan dari Ahmad Fahmee dan Mohd Faisol (2018) agar kaedah-kaedah agihan zakat diperkuatkan lagi khususnya dalam meningkatkan ekonomi umat Islam bagi mengurangkan kadar kemiskinan dan keberhutangan di Malaysia disokong sepenuhnya. Biarpun terdapat perbezaan amalan pengagihan zakat kepada asnaf *al-gharimin* di mana konteks pengagihan tersebut lebih terperinci dan syarat tertentu dikenakan kepada hutang tersebut, namun perbezaan ini sangat penting. Hal ini kerana tidak semua orang yang berhutang itu layak menerima bantuan zakat. Hanya mereka yang dibelenggu masalah hutang untuk keperluan asas hidup dan terdesak sahaja layak menerima bantuan dana zakat.

Ini disokong kajian oleh Raziah dan Syarifah (2014), mereka menyatakan bahawa orang yang berhutang sememangnya layak menerima zakat tetapi tidak semua orang yang berhutang berhak menerima bantuan dana zakat bagi menjelaskan hutangnya kerana tujuan utama mereka berhutang dilihat menjadi faktor penting dalam menentukan adakah mereka layak menerima bantuan dana zakat bagi menjelaskan hutang mereka. Sekiranya hutang yang dilakukan itu tidak berketalapan dengan hukum syarak seperti hutang untuk perkara yang bukan daruriyyah dan menurut hawa nafsu sehingga gagal untuk menjelaskan hutang dengan baik adalah tidak selari dengan definisi *al-gharimin* (Raziah dan Syarifah, 2014).

Mohd Faisol (2020) mendapati hasil kajiannya mengenai jumlah bantuan agihan zakat oleh institusi zakat di Malaysia terhadap asnaf *al-gharimin* masih lagi kecil dan pelbagai usaha perlu dibuat agar dapat membantu seramai mungkin golongan ini menerima manfaat dari dana zakat. Kajian oleh Nur Aliah, Zulaikha dan Hairunnizam (2017) mendapati kesan agihan dana zakat perubatan terhadap asnaf *al-gharimin* di daerah Gombak mendapat respon yang baik dan tahap kepuasan asnaf yang menerima bantuan adalah sangat baik. Kesan ini membuktikan bahawa agihan dana zakat diagihkan secara berkesan dan ini menyebabkan masyarakat berpuas hati dengan situasi agihan terhadap golongan tersebut. Kaedah yang pelbagai dan kesemua kaedah tersebut mencapai tahap piawaian yang telah ditetapkan dapat membantu meningkatkan lagi prestasi agihan zakat terhadap golongan yang akan menerimanya agar memperoleh kualiti hidup yang lebih baik dan mencapai tahap peranan fungsi institusi zakat yang sebenarnya (Mohd Parid, 2001).

## METODOLOGI KAJIAN

Metodologi kajian ini menggunakan pendekatan kualitatif. Kaedah pengumpulan data dan maklumat melalui kaedah temu bual informan asnaf *al-gharimin* dan penelitian dokumen. Seramai lima belas (15) orang asnaf *al-gharimin* yang memperolehi bantuan zakat dari LZNK

ditemui bual secara atas talian. Penelitian dokumen pula adalah berdasarkan laman portal rasmi LZNK dan Laporan Bengkel Penyelarasan Pengendalian Asnaf *Mualaf, Ar-Riqab, Gharimin* dan *Ibnu Sabil* dari LZNK. Hasil dapatan kajian dianalisis secara analisis kandungan berpandukan kepada transkrip temu bual asnaf al-gharimin dan tema-tema kajian yang berkaitan yang diperolehi daripada penelitian dokumen.

### **BENTUK BANTUAN ZAKAT ASNAF AL-GHARIMIN**


Bentuk bantuan zakat kepada asnaf yang layak menerima zakat dikelaskan kepada pelbagai bentuk. Merujuk kepada laman portal rasmi LZNK, terdapat lima bentuk bantuan agihan zakat iaitu bantuan sara hidup, perubatan, perniagaan/jayadiri, musibah alam, pembangunan ummah dan pendidikan. Bentuk bantuan zakat kepada asnaf *al-gharimin* secara umumnya diperolehi daripada laman portal rasmi LZNK. Manakala bentuk skim bantuan secara khusus diperolehi daripada Laporan Bengkel Penyelarasan Pengendalian Asnaf *Mualaf, Ar-Riqab, Gharimin* dan *Ibnu Sabil* dari LZNK. Hasil dapatan tersebut diringkaskan dalam Jadual 1.

**Jadual 1: Bentuk Bantuan Zakat Asnaf Al-Gharimin di LZNK**

<b>Jenis Dokumen</b>	<b>Bentuk Bantuan Zakat</b>
Laman Portal Rasmi LZNK	Bantuan kepada orang berhutang Bantuan Rawatan Perubatan Bantuan Jaya Diri Bantuan Bencana Alam
Laporan Bengkel Penyelarasan Pengendalian Asnaf <i>Mualaf, Ar-Riqab,</i> <i>Gharimin</i> dan <i>Ibnu Sabil</i> dari LZNK	Skim Bantuan Hutang Makanan Skim Bantuan Hutang Pakaian Skim Bayaran Hutang Kos Sewa dan Utiliti Skim Bantuan Hutang Yuran Pengajian Skim Bantuan Hutang Jaya Diri Skim Bantuan Hutang Perubatan Skim Bantuan Hutang Pengangkutan Skim Kos Pengurusan Operasi <i>Al-Gharimin</i> Skim Bantuan Kepada Orang Yang Berhutang Skim Bantuan Hutang Pengurusan Jenazah

Sumber: Portal Rasmi LZNK dan Laporan Dokumen LZNK (2021)

Berdasarkan Jadual 1, didapati bentuk bantuan zakat kepada asnaf *al-gharimin* hanya meliputi urusan hutang untuk perkara atau tujuan *daruriyah* dan *hajiiyah* semasa terdesak sahaja (yang memerlukan penyelesaian segera). Perkara *daruriyyah* merangkumi keperluan makanan, pakaian, tempat tinggal, pengangkutan, perubatan penyakit kronik dan hutang yuran pengajian/pendidikan. Manakala pengurusan jenazah dan bantuan bencana alam memerlukan penyelesaian yang segera untuk golongan asnaf yang ditimpa musibah. Kesemua bentuk bantuan zakat tersebut juga dapat dipaparkan seperti dalam Rajah 1 berikut.



**Rajah 1: Paparan Maklumat Berkaitan Bentuk Agihan Zakat Al-gharimin Berdasarkan Penelitian Dokumen**

Berdasarkan Rajah 1, hasil dapatan kajian berdasarkan penelitian dokumen menunjukkan terdapat lapan (8) bentuk agihan zakat yang boleh diberikan kepada asnaf *al-gharimin*. Kesemua bentuk agihan tersebut adalah bergantung kepada tahap keberhutangan bagi setiap perkara atau keperluan asas (*daruriyyah*) yang meliputi makanan, pakaian, tempat tinggal, pengangkutan, perubatan, pendidikan, pengurusan jenazah dan bantuan segera akibat bencana alam.

### **IMPAK AGIHAN ZAKAT TERHADAP ASNAF AL-GHARIMIN**

Keseluruhan asnaf *al-gharimin* yang ditemui bual memberi maklum balas bahawa bantuan dana zakat yang diberikan kepada mereka sangat membantu mereka menjelaskan tunggakan hutang yang dihadapi. Majoriti asnaf *al-gharimin* telah menerima bantuan dalam bentuk tunai dimana bantuan wang tunai diagihkan secara terus kepada asnaf *al-gharimin* manakala minoriti lagi menerima bantuan dalam bentuk bantuan kos rawatan penyakit kritikal seperti bantuan rawatan hemodialisis. Setiap agihan yang diberikan oleh LZNK memberikan kesan positif kepada asnaf *al-gharimin* terutama dari aspek penyelesaian hutang dan peningkatan kualiti hidup asnaf *al-gharimin*. Hasil analisis temu bual bersama asnaf *al-gharimin* menemui enam aspek positif kesan agihan zakat terhadap asnaf *al-gharimin* di LZNK. Aspek tersebut adalah penyelesaian hutang, taraf kehidupan asnaf, manfaat rawatan hemodialisis, status semasa asnaf, sifat asnaf dan tingkat kesejahteraan asnaf

#### **i) Penyelesaian Hutang**

Aspek pertama ialah membantu menyelesaikan hutang. Seramai 21 asnaf *al-gharimin* memaklumkan bahawa bantuan dana zakat dari LZNK berjaya membantu mereka menyelesaikan hutang yang ditanggung. Hal ini kerana ada asnaf yang telah menanggung hutang dalam tempoh yang lama. Oleh yang demikian, bantuan yang diberikan oleh LZNK sememangnya digunakan sepenuhnya untuk menyelesaikan baki hutang yang tertunggak. Ini

menunjukkan motif utama asnaf memohon bantuan dan motif LZNK tercapai dalam membantu asnaf keluar dari kepompong hutang.

#### **ii) Taraf Kehidupan Asnaf**

Terdapat lima orang asnaf *al-gharimin* yang belum bekerja semasa menerima bantuan dana zakat ketika itu. Hal ini kerana mereka masih berstatus pelajar, namun kini kelima-lima orang asnaf tersebut telah bekerja. Mereka memaklumkan, kesan bantuan dari zakat telah mengubah taraf kehidupan mereka setelah tamat belajar dengan jayanya. Mereka telah mendapat tawaran bekerja yang lebih baik, dapat tawaran kenaikan pangkat dan berjaya mengubah nasib keluarga dengan lebih baik. Terdapat juga seorang asnaf *al-gharimin* yang menjadi penjamin kepada rakannya yang gagal membayar hutang telah menerima bantuan dari LZNK untuk melangsakan tunggakan hutang tersebut. Tindakan LZNK ini sangat membantu dalam sokongan moral asnaf tersebut berikutan asnaf *al-gharimin* tersebut juga merupakan saudara baru yang sememangnya tidak berkemampuan dari segi kewangan.

#### **iii) Manfaat Rawatan Hemodialisis**

Mereka yang didiagnos penyakit kritikal seperti penyakit buah pinggang kronik yang memerlukan rawatan hemodialisis perlu dirawat seumur hidup. Kos rawatan hemodialisis juga mahal harganya dan tidak semua orang mampu untuk menanggung kos rawatan tersebut. Tambahan pula rawatan ini perlu dilakukan sekurang-kurangnya tiga kali seminggu. Apabila LZNK menawarkan rawatan hemodialisis secara percuma kepada asnaf, sedikit sebanyak dapat mengurangkan beban kewangan yang dihadapi oleh mereka. Terdapat tiga orang asnaf *al-gharimin* yang berjaya ditemu bual telah menerima bantuan hemodialisis dari pihak LZNK. Bantuan ini meringankan beban yang ditanggung asnaf berikutan mereka tidak mempunyai pendapatan yang tetap kerana tidak mampu bekerja seperti biasa.

#### **iv) Status Semasa Asnaf**

Semasa temu bual dijalankan, didapati dua orang asnaf *al-gharimin* telah berjaya mengubah status mereka. Pada waktu ini, status mereka sudah bertukar daripada menjadi asnaf zakat kepada pembayar zakat pendapatan. Bayaran zakat pendapatan tersebut dibayar melalui potongan gaji pada setiap bulan. Situasi begini telah berjaya meningkatkan taraf kualiti hidup asnaf dari asnaf ke pembayar zakat.

#### **v) Sifat Asnaf**

Sifat dan sikap asnaf sebenarnya memainkan peranan penting dalam memastikan misi LZNK membantu asnaf keluar dari kelompok orang yang berhutang berjaya lantas mengubah tahap kehidupan mereka dengan lebih baik. Hasil temu bual mendapati kesemua asnaf memberikan maklum balas yang positif terhadap bantuan yang diterima. Sifat jujur dan amanah amat berkait rapat antara satu sama lain. Apabila pihak LZNK menyalurkan duit bantuan zakat kepada asnaf secara terus dan kemudiannya asnaf membayar kepada pihak yang mereka berhutang, ini jelas menunjukkan sikap jujur asnaf terhadap penggunaan duit zakat ke saluran yang betul. Antara sifat yang mendapat kedudukan tinggi di dalam akhlak Islam ialah amanah. Justeru, apabila LZNK menyampaikan bantuan terus kepada asnaf, kemudian asnaf melangsakan tunggakan hutang sepenuhnya menggunakan bantuan yang diberikan. Didapati pembayaran secara langsung ke akaun asnaf sedikit sebanyak membantu menerbitkan rasa

tanggungjawab dan kejujuran asnaf dalam menyelesaikan amanah yang dipertanggungjawabkan oleh LZNK. Ini menunjukkan LZNK menaruhkan sepenuh kepercayaan kepada asnaf dan asnaf melunaskan amanah yang diberikan dengan jayanya.

#### **vi) Tingkat Kesejahteraan Asnaf**

Bantuan dana zakat yang diberikan oleh LZNK memberikan rasa kelegaan kepada asnaf *al-gharimin* ketika mereka berada di dalam situasi desakan kewangan. Perasaan ini turut diluahkan oleh informan dan mereka memaklumkan bahawa skim bantuan tersebut turut dihebahkan kepada rakan-rakan yang terdesak dalam situasi kewangan tambahan pula ketika itu ekonomi negara masih lagi belum pulih.

Bantuan dana zakat dari LZNK terhadap asnaf *al-gharimin* dilihat membantu asnaf yang dibelenggu masalah hutang dalam keperluan asas hidup ini mernubah kehidupan ke tahap yang lebih baik selain mengelakkan mereka berada di dalam situasi menanggung hutang yang terlalu lama. Seperti firman Allah SWT yang bermaksud:

*"...Dan jika orang yang berhutang itu sedang mengalami kesempitan hidup, maka berilah tempoh sehingga ia lapang hidupnya dan (sebaliknya) bahawa kamu sedekahkan hutang itu (kepadanya) adalah lebih baik untuk kamu, kalau kamu mengetahui (pahalanya yang besar yang kamu akan dapatkan kelak)..."*

(Surah *al-Baqarah*, 2:280)

### **KESIMPULAN**

Ringkasnya, kajian ini dapat merumuskan bahawa bentuk bantuan zakat kepada asnaf *al-gharimin* boleh dipelbagaikan dan tidak hanya diagihkan dalam bentuk wang tunai semata-mata. LZNK boleh mengagihkan bantuan dalam bentuk pemberian barang asas yang diperlukan kepada asnaf *al-gharimin*. Agihan zakat kepada asnaf *al-gharimin* juga memberikan impak yang positif bukan sahaja kepada asnaf *al-gharimin* itu sendiri malahan juga kepada keseluruhan tanggungan asnaf. Bebanan hutang yang ditanggung dapat dikurangkan sekaligus membantu asnaf dan keluarga meneruskan kehidupan mereka.

### **PENGHARGAAN**

Penulis merakamkan penghargaan kepada Institut Penyelidikan dan Inovasi Zakat (IPIZ), Universiti Utara Malaysia dan Lembaga Zakat Negeri Kedah (LZNK) kerana membiayai penyelidikan ini menerusi Geran IPIZ. Kertas Kerja ini adalah sebahagian daripada hasil penyelidikan bertajuk ‘Agihan Zakat Dalam Kalangan Asnaf *Al-Gharimin* di Kedah: Satu Penilaian Semula’ di bawah Dana Geran IPIZ, Universiti Utara Malaysia, Kod S/O 14731.

## RUJUKAN

- Abd Halim, M. N., Mohamed Saladin A. R., Rozman M, Y., Siti Mariam, A., & Rashidah, A. R. (2015). Efficiency of Islamic Institutions: Empirical Evidence of Zakat Organizations' Performance in Malaysia. *Journal of Economics, Business and Management*, Vol. 3, No. 2. 282-286.
- Abdul Rahim, A. R. (2007). Pre-Requisite for Effective Integration of Zakah into Mainstream Islamic Financial System in Malaysia. *Journal Islamic Economic Studies*, vol 14, no 1 dan 2, h.91-107.
- Ahmad Hidayat & Saidatul. (2014). Pentadbiran zakat dan kesedaran masyarakat Islam membayar zakat di daerah Kota Belud Sabah. *Sains Humanika*, 2(1): 125-134.
- Ahmed, H. (2003). The Role of *Islamic* Financial Institutions in Financing Microenterprise: Theory and Practice, paper presented at the Forum on Islamic Economics and Finance, held in Amman Jordan, Sept 27-29, 2003
- Al-Quran, Mushaf Malaysia dan Terjemahan. (2006). Shah Alam: Yayasan Restu.
- Azman A. R., Mursyid Junaidi, M. F. Y., & Muhammad Najib, A. W. (2018). Amalan Pengurusan Zakat Di Institusi Masjid Di Malaysia: Satu Tinjauan Awal Di Negeri Selangor. *Jurnal Pengurusan dan Penyelidikan Fatwa*.
- Fuadah, J. (2003). Keberkesanan Zakat Dalam Mengatasi Masalah Kemiskinan Di Melaka. (Disertasi Sarjana Syariah, Universiti Malaya).
- Hairunnizam, W., Sanep, A. & Mohd Ali, M. N., (2004). Kesan bantuan Zakat terhadap Kualiti Hidup Asnaf Fakir dan Miskin. Dlm Muhamad Muda et.al. dalam *Proceeding on National Seminar in Islamic Banking & Finance*. Petaling Jaya: Intel Multimedia & Publication.
- Hairunnizam, W., Sanep, A. & Radiah, A. K. (2010), Pengagihan zakat oleh institusi zakat kepada lapan asnaf: Kajian di Malaysia. *Jurnal Pengurusan JAWHAR*, 4(1), h.141-170.
- Hasan, B. (2011). *Asnaf Gharimin dan Ibn Sabil*. In Hasan Bahrom, Abd Halim Mohd Noor, & Rawi Nordin (Eds.), *Fiqh Zakat Malaysia*. Pusat Penerbitan Universiti (UPENA), UiTM. 2011.
- Hazwan Syah Niegam, A. H., Muhamad Noor Habibi, H. L., & Noor Hayati, Ah. (2021). Inisiatif dan Inovasi Institusi Zakat Era Pandemik Covid-19 –Satu Penelitian Terhadap Lembaga Zakat Negeri Kedah (LZNK). *International Journal of Islamic Business*, 6(2), 1-14. <https://doi.org/10.32890/ijib2021.6.2.1>.
- Lembaga Zakat Negeri Kedah Darul Aman (LZNK). (2021). Dicapai pada 21 Januari 2021 di <https://www.zakatkedah.com>
- Mahyuddin, A, B. (2012). Hubungan antara agihan zakat dan kualiti hidup asnaf fakir dan miskin. (Tesis PhD tidak diterbitkan). Universiti Utara Malaysia.

- Majlis Agama Islam Selangor, MAIS (2021). Wang Orang Berhutang. Dicapai pada 20 Januari 2021 di <https://www.mais.gov.my/wang-orang-berhutang/>
- Md. Rafiqul, I. (2016). General Mosque Based Zakat Model To The Alleviation of Poverty – Evidence From Bangladesh. *IOSR Journal of Business and Management (IOSR-JBM)*, 18(4), p.1-9.
- Mohd Adib, I. (2020). Covid-19 dan ekonomi negara. Dicapai daripada <https://www.ukm.my/dradib/covid-19-dan-ekonomi-negara/> pada 25 September 2022.
- Mohd Faisol, I. & Muhammad. S. (2019). Peranan Agihan Zakat Sebagai Alat Kewangan Sosial Islam Bagi Melangsikan Hutang Golongan Al-Gharimin Di Malaysia. *Labuan E-Journal of Muamalat And Society*, 45-53.
- Mohd Faisol, I. (2020). Perbandingan Agihan Zakat Sebagai Alat Kewangan Sosial Islam Bagi Membantu Golongan Al-Gharimin oleh Lzs dan Baitulmal Maiwp. *International Journal of Islamic Economics and Finance Research*, Vol. 3, No. 2, 2020 e-ISSN: 2636-9419.
- Mohd Noor, D. & Halim, I. (2017). Agihan Zakat Terhadap Asnaf Al-Gharimin Menurut Pandangan Ulama dan Amalan Masa Kini. *Jurnal Perspektif*. Special Issue 1, 1-12.
- Mohd Parid, S.A. (2001). Kaedah Pengagihan Dana Zakat: Satu Perspektif Islam (edited by Nik Mustapha Nik Hassan). Pusat Pungutan Zakat, Kuala Lumpur.
- Mustofa al-Khin, Mustafa al-Bugha & Ali al-Syarbaji. (2004). *Fiqh Mazhab Syafie* (Ust. Solehan Ayub Pentj.). Shah Alam: Pustaka Salam Sdn. Bhd.
- Nur Aliah, M. S., Zulaikha, M. H. & Hairunnizam, W. (2017). Persepsi Asnaf Zakat Al-Gharimin (Perubatan) terhadap kaedah agihan zakat oleh Lembaga Zakat Selangor: Kajian di Gombak, Selangor. *Jurnal Muamalat*, Bil. 10, 146-168.
- Nurshila, A. & Abu Hassan Shaari, M, N. (2014). Hutang Isi Rumah dan Akses Kewangan: Bukti Analisis Panel Dinamik. Prosiding PERKEM ke-9 (2014) 819 – 832.
- Nor Ghani, M. N., Mariani, M., Jaafar, A. & Nahid, I. (2001). *Can Privatization Improve Performance? Evidence Fom Zakat Collection Institutions*. Kertas kerja bengkel ekonomi Islam. Fakulti Ekonomi, Universiti Kebangsaan Malaysia.
- Patmawati, I. (2008). Pembangunan Ekonomi Melalui Agihan Zakat: Kajian Empirikal. *Jurnal Syariah*, Kuala Lumpur. Penerbit Universiti Malaya. Jil 16 (2).
- Qardawi, Y. (2011). *Fiqh al-zakah: A comprehensive study of zakah regulations and philosophy in the light of the Qur'an and sunnah*. Kuala Lumpur: Islamic Book Trust.
- Ram, A, J, S. (2010). Gelagat Kepatuhan Zakat Perniagaan di Negeri Kedah Darul Aman. (Tesis PhD tidak diterbitkan). Universiti Utara Malaysia.

- Sanep, A. & Hairunnizam, W. (2005). Penerimaan dan Tanggapan Masyarakat terhadap Sumber Zakat Harta yang Diikhtilaf, *Islamiyyat*, 27(1), 45–65.
- Raziah, M. T. & Syarifah, M. Y. (2014). Status Individu Muflis dalam Asnaf Al-Gharimin. *International Journal of Business and Technopreneurship*, 4(3), 477-494.
- Syarifah, M. Y. & Raziah, M. T. (2015). Analisis Tafsiran Asnaf Al-Gharimin Di Malaysia. *International Journal of Management Studies. Special Issues* (22), 81-100.
- Temu bual dengan asnaf *al-gharimin* (Informan A) secara atas talian pada 18 Jun 2021 jam 10.00 pagi.
- Temu bual dengan asnaf *al-gharimin* (Informan B) secara atas talian pada 18 Jun 2021 jam 11.00 pagi.
- Temu bual dengan asnaf *al-gharimin* (Informan C) secara atas talian pada 18 Jun 2021 jam 3.00 petang.
- Temu bual dengan asnaf *al-gharimin* (Informan D) secara atas talian pada 18 Jun 2021 jam 4.00 petang.
- Temu bual dengan asnaf *al-gharimin* (Informan E) secara atas talian pada 19 Jun 2021 jam 10.00 pagi.
- Temu bual dengan asnaf *al-gharimin* (Informan F) secara atas talian pada 19 Jun 2021 jam 11.00 pagi.
- Temu bual dengan asnaf *al-gharimin* (Informan G) secara atas talian pada 19 Jun 2021 jam 2.00 petang.
- Temu bual dengan asnaf *al-gharimin* (Informan H) secara atas talian pada 19 Jun 2021 jam 3.00 petang.
- Temu bual dengan asnaf *al-gharimin* (Informan I) secara atas talian pada 22 Ogos 2021 jam 2.00 petang.
- Temu bual dengan asnaf *al-gharimin* (Informan J) secara atas talian pada 22 Ogos 2021 jam 3.00 petang.
- Temu bual dengan asnaf *al-gharimin* (Informan K) secara atas talian pada 3 September 2021 jam 10.00 pagi.
- Temu bual dengan asnaf *al-gharimin* (Informan L) secara atas talian pada 3 September 2021 jam 11.00 pagi.
- Temu bual dengan asnaf *al-gharimin* (Informan M) secara atas talian pada 3 September 2021 jam 3.00 petang.
- Temu bual dengan asnaf *al-gharimin* (Informan N) secara atas talian pada 3 September 2021 jam 4.00 petang.

Temu bual dengan asnaf *al-gharimin* (Informan O) secara atas talian pada 4 September 2021 jam 10.00 pagi.

Zarqa, M., A. (1988). *Islamic Distributive Schemes* in Munawar Iqbal (Editor), *Distributive Justice and Need Fulfillment in an Islamic Economy, the Islamic Foundation*. Leicester, p.165- 216.

Zulkefly, A. K., Mohd Azlan Shah, Z., & Hairunnizam, W. (2002). “Pendapatan dan Sasaran Perbelanjaan Dana Zakat di Negeri Kedah, Perak, Selangor dan Negeri Sembilan: Isu Dan Cabaran”. Dicapai pada 20 Februari 2021 di <https://www.ukm.my/hairun/kertas%20kerja/Prestasi%20Pendapatan%20da%20Pelanjaan%20Zakat.pdf>